

AUGLÝSING

um breyting á kærufresti til ríkisskattaneðndar.

194

18. sept.

Samkvæmt heimild í lögum nr. 16 10. apríl 1946, um breyting á lögum nr. 6 9. jan. 1935, um tekjuskatt og eignarskatt, hefur ráðuneytið ákveðið, að á þessu ári skuli kærufrestur til ríkisskattaneðndar, út af tekju- og eignarskatti álögðum annars staðar en í Reykjavík, vera til 10. október n. k.

Fjármálaráðuneytið, 18. september 1950.

F. h. r.

Magnús Gíslason.

Kristján Thorlacius.

Staðfesting forsetans á skipulagsskrá fyrir „Minningarsjóð Sigurðar Hafsteins 195 Emilssonar“ frá Kleifarstekk í Breiðdal, útgefin á venjulegan hátt að mandatum af 20. sept. dómsmálaráðherra 20. september 1950.

Skipulagsskráin er þannig:

SKIPULAGSSKRÁ

Minningarsjóðs Sigurðar Hafsteins Emilssonar frá Kleifarstekk í Breiðdal.

1. gr.

Sjóðurinn heitir Minningarsjóður Sigurðar Hafsteins Emilssonar.

2. gr.

Sjóðurinn er stofnaður 1949 með gjöf hjónanna Þorbjargar Jónsdóttur og Emils Þórðarsonar til Eiðaskóla í minningu um son þeirra, Sigurð Hafstein. Stofnfé sjóðsins er kr. 4000.00, sem aldrei má skerða.

3. gr.

Markmið sjóðsins er að glæða háttvísi og trúmennsku með nemendum Eiðaskóla, og skal verja allt að $\frac{4}{5}$ ársvaxta árlega til að verðlauna þann eða þá nemendur, sem sýnt hafa yfirburði í þessum dygðum í a. m. k. tveggja ára dvöl í skólanum.

4. gr.

Skólastjóri og kennarar ákveða hverjum skuli veitt úr sjóðnum.

5. gr.

Árlega skal leggja $\frac{1}{5}$ ársvaxta við höfuðstólinn, svo og gjafir, sem sjóðnum kunna að berast. Nemi úthlutunarvextir meiru en sem svarar einni eigulegri viðurkenningu má veita hana sem beinan fjárstyrk eða fleirum en einum nemanda.

6. gr.

Sjóðinn skal ávaxta í Söfnunarsjóði Íslands og skal birta reikning sjóðsins í skólaskýrslu Eiðaskóla.

195

7. gr.

20. sept.

Leita skal staðfestingar forseta Íslands á skipulagsskrá þessari.

Kleifarstekk, 9. júní 1950.

Eiðum, 18. maí 1950.

Þorbjörg Jónsdóttir.
Emil Þórðarson.

Þórarinn Þórarinsson,
skólastjóri.

196

REGLUR

19. sept.

um nokkrar nafnabreytingar lyfja samkvæmt nýrri lyfjaskrá, gerð, geymslu, áritun og afhendingu lyfja o. fl.

Pharmacopoea Danica 1948 (editio IX) ásamt Pharmacopoea Danica Addendum 1950 er löggilt á Íslandi frá 1. janúar 1951.

Athygli skal vakin á því, að nokkrum upphaflegum nöfnum lyfjaskrárinnar hefur verið breytt, sbr. Pharmacopoea Danica Addendum 1950, bls. 12.

Enn fremur er heimilt að nota nöfn samþykkt af norrænu lyfjaskrárnefndinni (NFN-nöfn), sbr. Pharmacopoea Danica Addendum 1950, bls. 13—16.

Loks skal athygli vakin á leiðréttingum og breytingum, sem gerðar hafa verið á lyfjaskránni, sbr. Pharmacopoea Danica Addendum 1950, bls. 17—20.

Lyf, sem skráð voru í Pharmacopoea Danica 1933 og Dispensatorium Danicum 1938 og skráð eru í Pharmacopoea Danica 1948 með breyttu nafni, samsetningu eða styrkleika, skulu búin til og afgreidd eftir hinni nýju lyfjaskrá, og engu að síður þó að þau séu tilgreind með eldra nafni, nema þess sé beinlínis getið á lyfseðlinum, að lyfið óskist gert eftir annarri tilgreindri lyfjaskrá.

Hér fara á eftir nokkrar helztu reglur og nýmæli um:

1. gerð lyfja,
2. geymslu lyfja,
3. áritun og afhendingu lyfja og
4. önnur atriði.

1. Gerð lyfja.

Í lyfjabúð skulu vera nauðsynleg áhöld og tæki til framleiðslu á skráðum lyfjum, sem að jafnaði eru gerð þar. Undanskilin eru þó tómstuðutæki (vacuum-tæki) og vélknúin tæki til sykurhúðunar á pillum og töflum.

Pillur (pilulae) má búa til með tvennu móti, eins og um getur í lyfjaskrá, en ekki er leyfilegt að nota aðrar aðferðir eða forskriftir en þar greinir.

Töflur (tablettae) má aftur á móti gera á annan hátt eða eftir öðrum forskriftum en greindar eru í lyfjaskrá, nema annað sé beinlínis tekið fram, en fylgja skal hinum almennu reglum lyfjaskrárinnar um töflugerð, og töflurnar skulu að öðru leyti uppfylla þær kröfur, sem gerðar eru varðandi innihald virkra efna, lögun, stærð, þyngd og sundrun.

Stungulyfjatöflur (injectablettae) skulu gerðar með fyllstu smitgát (aseptik), og efni þau, sem notuð eru við tilbúning þeirra, skulu vera, ef unnt er, smitsæfð (steríl) eða standast próf, sbr. bls. 117 í I. bindi lyfjaskrárinnar.

Leggangatöflur (vagitoria comprimata) skulu vera kringlóttar og annar flöturinn íhvolfur og hinn kúptur (konkav-konveks).

Skammtar (dosipulveres) mega ekki vega minna en 10 sg. Ef tilgreint er á lyfseðli minna magn, skal bæta svo miklu við af mjólkursykri, að þyngd hvers skammts verði 10 sg.